

## XXIII

## SONIC

## (Chansonnette)

Cammig ar c'hog a lavaré  
Di tra la la dirida  
Cammig ar c'hog a lavaré  
D'hi vreur eur zul e beuré

Chomez té de valañ me breur (1)  
Ma hinn d'an overn nav heur

D'an overn nav heur de Wengamp  
Na de welet ma dousig koant

C'hané mé iel da Blouizy  
Na de welet ma douz Mari

Poa arri war dossen Rumelé  
Hev commañz strakal hi skourje

Hev commañz strakal hi skourje  
Da rei de c'hout d'Yvonn Roué

Yvonn Roué pé deuz klewet  
Skubañ he zi zo commañsed

Zo commañsed skubañ he zi  
Hi merc'h Mari d'en on Tempî

Pa oé arri e toull an nor  
E oe saludet gand inor

Diskennet Fanch ha deit d'an traou (2)  
Leket ho marc'h ebarz er c'hraou

Leket ho marc'h er marchossi  
Kerc'h ha foen dehan de dibi

Yvonn Roué mar em c'heret  
Ho merc'h Mari dign a rafet

Ha c'houi a welo ar plac'h kez  
Pont Gwialo Milinerez

C'houi a welo ar plac'hig koant  
'Werzañ bleud en Castel Gwengamp (3)

(Chanté par Noël LE CAM,  
de Pluvisy, près Guingamp.)

Air n°24.

Cam-mig ar c'hoeg a la-va-re, di tra - la - la di-ri-da

Cam-mig ar c'hoeg a la-va-re d'hi vreur eur zul e beu - re.

(1) *Chomez te* pour *chom té* : on emploie ici la 2<sup>e</sup> personne du présent au lieu de l'impératif.

(2) On dit généralement *traon*, quelquefois *traou* ; ici, c'est pour faire la rime.

(3) Guingamp était autrefois une ville fortifiée, dont une partie de l'ancien donjon existe encore, d'où le nom qui lui est resté en breton Castel Gwengamp.